



XALQ DEPUTATLARI ZARAFSHON SHAHAR KENGASHINING Q A R O R I

2025-yil 3-mart

VII-7-40-5-78-K/25

Zarafshon shahar

O‘zbekiston Respublikasi Prezidentining “Qonunchilik hujjatlari ijrosini samarali tashkil etishda davlat boshqaruvi organlari va mahalliy ijro etuvchi hokimiyat organlari rahbarlarining shaxsiy javobgarligini kuchaytirishga doir qo‘shimcha chora-tadbirlar to‘g‘risida” 2021-yil 10-fevraldagi PF – 6166-son Farmoni ijrosi yuzasidan 2024-yil davomida olib borilgan ishlar to‘g‘risida

O‘zbekiston Respublikasi Prezidentining “Qonunchilik hujjatlari ijrosini samarali tashkil etishda davlat boshqaruvi organlari va mahalliy ijro etuvchi hokimiyat organlari rahbarlarining shaxsiy javobgarligini kuchaytirishga doir qo‘shimcha chora-tadbirlar to‘g‘risida” 2021-yil 10-fevraldagi PF – 6166-son Farmoni hamda “Ijro.gov.uz” ijro intizomi idoralararo yagona elektron tizimi samarali faoliyat ko‘rsatishini ta‘minlashga qaratilgan qo‘shimcha chora-tadbirlar to‘g‘risida” 2021-yil 31-maydagi PQ – 5132-son qarori ijro intizomini mustahkamlashda dasturulamal bo‘lib xizmat qilmoqda. 2024-yil davomida shahar hokimligiga jami 6 ming 648 ta hujjat edo.ijro.uz elektron tizimi orqali kirim qilingan.

Hisobot davrida edo.ijro.uz elektron tizimi orqali kelib tushgan hujjatlarning tarkibi quyidagicha:

106 ta – O‘zbekiston Respublikasi qonunlari;

158 ta – O‘zbekiston Respublikasi Oliy Majlisi Senatining qaror va topshiriqlari;

23 ta – O‘zbekiston Respublikasi Oliy Majlisi Qonunchilik palatasi qaror va topshiriqlari;

66 ta – O‘zbekiston Respublikasi Prezidenti farmonlari;

158 ta – O‘zbekiston Respublikasi Prezidenti qarorlari;

3 ta – O‘zbekiston Respublikasi Prezidenti farmoyishlari;

124 ta – O‘zbekiston Respublikasi Prezidenti maslahatchilarining topshiriqlari;

134 ta – O‘zbekiston Respublikasi Vazirlar Mahkamasining qaror va farmoyishlari;

103 ta – O‘zbekiston Respublikasi Vazirlar Mahkamasining majlis va rayosat yig‘ilishi bayonnomalari;

890 ta – O‘zbekiston Respublikasi Bosh vaziri va uning o‘rinbosarlari tomonidan berilgan topshiriqlar;

73 ta – Xalq deputatlari Navoiy viloyati Kengashi sessiya qarorlari va topshiriqlari;

860 ta – Navoiy viloyati hokimi va uning o‘rinbosarlari tomonidan berilgan topshiriqlar hamda chora-tadbirlar dasturi;

2 691 ta – Respublika va viloyat tashkilotlarining topshiriqlari;

1 259 ta – Respublika, viloyat telefonogrammalari va shahar hududidagi tashkilotlardan kelib tushgan xatlar.

Hisobot davrida 6 648 ta hujjat kelib tushgan bo‘lib, shundan 5 153 tasi ijroga qaratilgan.

Ijroga qaratilgan 3 153 ta hujjatning ijrosi ta‘minlangan, shundan 329 tasi belgilangan muddatdan kechiktirib bajarilgan, 8 ta hujjatning ijrosi bugungi kunga qadar to‘liq ta‘minlanmagan, 1 992 ta hujjatning ijro muddati mavjud bo‘lib, ularning ijrosi ta‘minlangan.

Muddati kechiktirilib bajarilgan 329 ta hujjatning asosiy qismi foiz hisobida –Xidirov (58), Shoxmirzayev (21), Norbutayev (19) va Xotamova(14), shuningdek, bugungi kunga qadar

bajarilmagan 6 ta hujjat – Xotamova (2), Xidirov (1), Barakayev (1), Shoxmirzayev (1), Ergashev (1) hissasiga to‘g‘ri kelgan.

Ushbu davrda shahar hokimi huzurida 39 marotaba, hokim o‘rinbosarlari huzurida esa 264 marotaba muhokamalar o‘tkazilib, tasdiqlangan yig‘ilish bayonlariga asosan mas‘ullarga ko‘rsatma va topshiriqlar berildi hamda shahar hokimi va o‘rinbosarlari tomonidan 35 ta dasturlar tasdiqlanib ijroga qaratilgan.

Shuningdek, respublika hamda viloyat tashkilotlariga 844 ta aloqa xatlari yuborilgan.

2024-yil davomida shahar hokimligi, shahardagi korxonalar, tashkilotlar rahbarlari hamda boshqa mas‘ullarga ish yuritish, ijro intizomiga rioya etilmaganligi, o‘ziga yuklatilgan vazifalarni lozim darajada bajarmaganligi uchun turli darajadagi intizomiy jazo choralari qo‘llangan.

Jumladan, shahar hokimining o‘rinbosarlarining 4 nafariga, shahar hokimligi mas‘ul xodimlarining 1 nafariga “hayfsan” intizomiy jazosi qo‘llangan.

O‘zbekiston Respublikasi Prezidentining 2021-yil 10-fevraldagi PF–6166-son Farmoni hamda 2021-yil 31-maydagi PQ–5132-son qarori ijrosini samarali tashkil etish maqsadida har haftaning juma kuni shahar hokimining birinchi o‘rinbosari huzurida, dushanba kuni shahar hokimligi apparat yig‘ilishlarida ijro intizomining ahvoli va “edo.ijro.uz” elektron tizimidagi topshiriqlarning ijrosi yuzasidan tanqidiy muhokamalar o‘tkazilib kelinmoqda.

“Mahalliy davlat hokimiyati to‘g‘risida”gi O‘zbekiston Respublikasi Qonunining 6-, 24-moddalariga asosan, xalq deputatlari shahar Kengashi

QAROR QILADI:

1. Shahar hokimligida 2024-yil davomida ijro intizomi yuzasidan amalga oshirilgan ishlar hamda “edo.ijro.uz” elektron tizimidagi Prezident hujjatlari ijrosi bo‘yicha shahar hokimligi kompleks rahbarlarining hisoboti ma‘lumot uchun qabul qilinsin.

2. Shahar hokimi o‘rinbosarlari, mas‘ul xodimlari, shahar hududidagi korxonalar va tashkilotlar rahbarlariga quyidagi vazifalar topshirilsin:

O‘zbekiston Respublikasi Prezidentining 2024-yil noyabr-dekabr oylarida qabul qilingan farmon, qaror, farmoyish va yig‘ilish bayonlarida belgilangan jami 153 ta topshiriqning o‘z muddatida va sifatli bajarilishini ta‘minlash;

ijro intizomini mustahkamlash hamda bu borada yo‘l qo‘yilayotgan xato va kamchiliklarning kelib chiqish sabablarini bartaraf etishga jiddiy e‘tibor qaratish;

yagona idoralararo elektron tizim (edo.ijro.uz) orqali kelib tushgan O‘zbekiston Respublikasi qonunlari, O‘zbekiston Respublikasi Prezidenti va Hukumatining hujjatlari hamda topshiriqlarining ijrosini o‘z muddatida to‘liq amalga oshirish va ushbu tizimga belgilangan tartibda kiritib borish;

hokimlikka kelib tushayotgan topshiriqlarning ijrosini belgilangan muddatdan avval ta‘minlash bo‘yicha kiritilayotgan “Eslatma xat”larni to‘liq tahlil qilib borish, ularda keltirilgan topshiriqlar ijrosini kompleks tarkibga kiruvchi tashkilotlar ishtirokida keng muhokama qilish hamda zaruriy choralarni amalga oshirish;

ijro intizomini buzgan rahbarlar va mas‘ul xodimlarga nisbatan qat‘iy intizomiy choralar ko‘rish, xato va kamchiliklar hamda ularning kelib chiqish sabablarini zudlik bilan bartaraf etish bo‘yicha aniq chora-tadbirlarni belgilash;

ish yuritish va ijro intizomiga oid qonun hujjatlari ijrosi yuzasidan maqsadli o‘rganishlar o‘tkazish ishlarini yanada kuchaytirish va ularning samaradorligini oshirish.

3. Xalq deputatlari shahar Kengashi kotibiyati (E. Davlatov) tegishli mas‘ullar bilan birgalikda O‘zbekiston Respublikasi Prezidenti va Vazirlar Mahkamasi tomonidan tasdiqlangan hujjatlarning ijrosini samarali tashkil etish yuzasidan jamoatchilik nazoratini o‘rnatsin.

4. Shahar hokimining birinchi o‘rinbosari A. Shoxmirzayev har haftaning juma kuni ijro intizomi ahvolini tanqidiy muhokama qilib borsin.

5. Mazkur qarorning ijrosini nazorat qilish shahar hokimining barcha o‘rinbosarlari va xalq deputatlari shahar Kengashining doimiy komissiyalari zimmasiga yuklansin.

Kengash raisi



RAXMANOV
NAZIRBEK
ISRAILOVICH